



**Glygge-Zyttig vo de  
JOKER WAGGIS**

Usgoob 14 - im Hoornig 2019



**Unter der Lupe**

Der Düsi

SYTTE 2



## **Basler Fasnacht 2019**

S'Programm stoot

SYTTE 3



# Ruggblig Fasnacht 2018: **Federer-Mania** bi de **JOKER WAGGIS**

Ob in der BaZ, im 20minute, Blick  
online oder sogar der Luzärner  
Zyttig - niene hän d'Bilder vo de  
Tennis spiiende JOKER WAGGIS  
deerfe fääle. Me darf unglouge

sage, dass me mit em usgwäälte  
Sujet der Vogel abgschosse het.  
Und aimol mee hän d'JOKER  
WAGGIS e guets Händli bewyysse,  
was d'Sujet-Waal betrifft ...



Alles Roger oder waas? Grupfefotti wäärend em erschte Halt am Fasnachts-Mäntig 2018

Das es e super Sujet wärde kennt,  
het me scho ghoft, wo me sich im  
Summer 2017 derfir entscheide het.  
Das es aber so e gwalltige Erfolg syy  
kennt, hätt sich niemer jeemoos  
vorgstellt.

Nadyrlig het der Roger Federer e  
groosse Aadail an däm Erfolg. Denn  
d'Daatsach, dass er's usgrächnet  
am Fasnachts-Mäntig nomol uff e  
Tennis-Thron schafft, het me sich  
sälbscht in de scheenschte Dräum  
nit kenne usmoole.

Aber fange mer doch vo voorne aa:

Es isch Mitti im Summer gsi, wo me  
sich bi de JOKER WAGGIS zer  
erschte Sujet-Sitzig droffe het.  
Bi Temperature um die 30 Grad isch  
es nit wirglic aifach gsi, sich uff  
d'Fasnacht z'konzentriere. D'Ydee  
sinn nit grad gspruudlet - bis pletzlig  
der Roger zur Sprooch ko isch.

Ab denn isch's e Sälbschtläufer gsi.  
Alli sinn sofort Fyyr und Flamme gsi.  
Denn nit numme s'Sujet het iiberzigt,  
vor allem der Waage als Tennis-  
Stadion het kenne begaischtere.

WYTER SYTTE 2

## **In eigener Sach: 72stunde het numme pausiert!**

Wär iiber die vergangene Joor  
unseri Glygge-Zyttig verfolgt het,  
däm isch sicher uffgfallene, dass  
beraits e Joor vergange isch, syt der  
Usgoob 13.  
Aber kai Angscht - miir hän nit vor,

unseri Glygge-Zyttig yyzstelle.  
Allerdings hän miir uns in de  
vergangene Monet voll und ganz  
uff s'kommende Sujet, d'Umsetzig  
und der Waagebau konzentriert.  
Us däm Grund het me sich derzue

entschiide, fir aimol uff d'Summer-  
Usgoob z'verzichte.  
Zuekinftig soll d'Glygge-Zyttig  
**72stunde** denn aber wiider im  
normaale Rhythmus zwaimol im Joor  
erschyyne ...

## FORTSETZIG

Esoo het me sich also ans Wärgg gmacht, dermit der bis dato uffwändigst Waage in der Gschicht vo de JOKER WAGGIS het kenne entstoo.

Der Waage isch aber numme e Dail vo der Erfolgsgschicht gsi. E grosses Komplimänt sell an dääre Stell au an unsere Laarvemacher go. Denn d'Äänligkait mit em Original isch aifach verbliffend gsi. Au wenn iin d'JOKER WAGGIS wiider emol Näärve koschtet hän, so dirft iim s'Ergäbnis am Änd mindeschtens gnau so gfalle ha!

Jää ... was d'Fasnacht 2018 betrifft, kunnt me us em Schwäärme kuum

mee uuse!  
Derby hätt au alles ganz anderscht kenne uuse koo. Denn wo d'Waal uff das Sujet gfalle isch, isch der Roger zwar us ere Verletzigs-Pause zrugg koo und het Aafang 2017 nomol in Down Under brilliert.

Ainewäg het me eenter dermit grächnet, dass syy Ruggdritt nimm fäärn isch. Doch es isch andersch koo. Denn zerscht



holt sich der Roger im Juli 2017 syy achte Wimbledon-Titel. Und denn macht er - zur groosse Freud - iiberhaupt kaini Aazaiche zem Uffheere. Ganz im Geegedail, denn im Jänner 2018 holt er sich sogar syy 20. Major-Titel.

Esoo isch us eme Sujet à la "Aadie Roger" denn ebbe e Looblied uff iin entstande. Drum hän sich d'JOKER WAGGIS gsait: "Mer vernaigen uns".

Vernaige darf me sich durchuus vor der ganze Karriere vom Roger, bi de JOKER WAGGIS het me sich aber speziell uff Wimbledon konzentriert. Us däm Grund isch der Waage au im typische grien/violett derhär koo. Es isch also scho vo wytem glaar gsi, um was es derby goot.



D'JOKER WAGGIS hän iiberall e riise Show abzooge und hän sich's au nit loo nää, mit em Comité der aint oder ander Ballwäggsel z'spiile.

Ai Weemuetsdropfe blibt, nämlig dass me der Keenig Roger - trotz verschiidene Versiech - nit het perseenlig kenne dräffe, zem iim aini vo de Laarve z'schängge ...



Im Geegesatz zem Original s'erscht Mool uff der "Tour" derby: Unsere Neuling 2018

## Unter der Lupe: Der Düsi

In dääre Rubrigg wird allewyy! ai JOKER genauer voorgestellt. Diesmol nämme miir der Düsi - der Neuling vom letschte Joor - unter d'Lupe.



### 72stunde: Wie alt bisch Du?

Düsi: Mit miine 26 Joor zur Zyt der Jingscht in dääre Glygge.

### 72stunde: Wo bisch Du dihim?

Düsi: In Rynach.

### 72stunde: Was machsch brueflig?

Düsi: Ich bi Automatigger, Service-Technigger.

### 72stunde: Was machsch Du in Diiner Freizyt?

Düsi: Ich begaischtere mii seer fir Mittelalterfescht, Konzäart und Festivals.

Zuedäm bi ich Sportschitz und due d'Jungschitze am Gweer usbilde. Und syt kurzem gheert jetz ebbe no Fasnacht derzue.

### 72stunde: Syt wenn bisch Du bi de JOKER WAGGIS

Düsi: Ich bi im April 2017 zue de JOKER WAGGIS koo.

### 72stunde: Und wie bisch Du derzue gstoosse?

Düsi: Der Wunsch, agktiv Fasnacht z'mache, ha ich syt ich dängge ka. Will ich ainigi in dääre Glygge scho kennt ha, isch es fir mii e aifache Entschaid gsi, wo me mii aagfroogt het, eb ich Fasnacht mache wett. Ich ha denn au gli gmeerggt, dass der Zämmehalt bi de JOKER WAGGIS grooss gschrubbye wird. Es isch e richtig tolli Gruppe wo guet zämme aapagge ka - aber au d'Gselligkait nit z'kurz kunnt. Und wenn nit allewyy! jeede der gliiche Mainig isch, so lost sich am Änd maischtens e Leesig finde, wo fir alli stimmt ...

### 72stunde: Was isch denn Dii spezielli Funggzioon bi de JOKER WAGGIS?

Düsi: Zur Zyt der Fondueplausch.

### 72stunde: Weeles isch Dii bishär scheenschts Erläbnis mit de JOKER WAGGIS?

Düsi: Doo git's esoo vyy! doo ka ich mii ächt nit fir ains entschaide. Aigentlig die ganzi Fasnacht, aber au d'Vorberaitige und doo dervo bsunders der Waagebau.

### 72stunde: Was sinn Diini Winsch fir d'Zuekunft bi de JOKER WAGGIS?

Düsi: No e mänggs Fasnachts-Joor zämme kenne z'verbringe ...



# Vorschau Basler Fasnacht 2019 - s'Programm vo de JOKER WAGGIS

Au in dääre Usgoob vom **72stunde** git's wiider unsere Fasnachts-Fierer. Fascht scho tradizioonell het's wiider e paar Veränderige gää. Nit z'letscht duur die anderi Routefierig wäge der Baustell bim Kunschtmuseum.

Aber dangg unserem Routeplan hän unseri Familie, Frinde, Fans oder Passiv-Mitglieder sicher wiider irgendwo d'Meegligkait, uns **JOKER WAGGIS** live z'erlääbe ...

## Fasnachts-Mäntig

**13:30 Uhr**

Start am Wettstaiplatz (1)

**14:30 Uhr**

1. Pause am Claraplatz (2)

**15:00 Uhr**

Wyter goot s ...

**16:00 Uhr**

2. Pause in der Staine (3)

**16:30 Uhr**

Wyter goot s ...

**17:00 Uhr**

3. Pause bim Kunschtmuseum (4)

**17:30 Uhr**

Wyter goot s ...

**18:00 Uhr**


Waageleere am Wettstaiplatz (1)

**19:00 Uhr**

Waage versorge

**23:00 Uhr**

d'**JOKER WAGGIS** uff der Gass



## Fasnachts-Zyschtig

**14:00 Uhr**

Start am Barfi (Stadtcasino)

**18:00 Uhr**

Ustusch Binggis- / Bar-Wäägeli

**19:00 Uhr**

Nachtässe im Ruum Staine/Heuwoog

**21:00 Uhr**

Birsig-Sinfonie bi der Draischibe

**23:30 Uhr**

d'**JOKER WAGGIS** uff der Gass

## Fasnachts-Mittwuch

**13:30 Uhr**

Start am Wettstaiplatz (5)

**14:15 Uhr**

1. Pause in der Stritgass (6)

**14:45 Uhr**

Wyter goot s ...

**16:00 Uhr**

2. Pause in der Utegass (7)

**16:30 Uhr**

Wyter goot s ...

**17:15 Uhr**

3. Pause bi der Mäss (8)

**17:45 Uhr**

Wyter goot s ...

**18:00 Uhr**

Waageleere am Wettstaiplatz (5)

**19:00 Uhr**

Waage versorge

**23:00 Uhr**

d'**JOKER WAGGIS** uff der Gass

**04:00 Uhr**

d'**JOKER WAGGIS** am Ändstraich



Guetschyyyn

Geege Abgoob vo däm Guetschyyyn an unserer **JOKER BAR** an der Muttenzer Fasnacht 2019 griegsch Du e Willkommens-Dring gratis!

Name: \_\_\_\_\_

